

Parare Domino Plebem Perfectam

A lokisetse Morena Sechaba se phethehileng (Luka 1,17)

Moeletsi oa Basotho

www.moeletsoabasotho.co.ls

Thuto ke tokelo-Rapapa



5

Liente li ntse li fanoa litsing

8




SHALE O

NYAHLATSA DPE 3

www.moeletsoabasotho.co.ls

Moeletsi oa Basotho



Re se re fumaneha ho marangrang

Email: newsroom@moeletsoabasotho.co.ls
Tel: +266 28350466/ WhatsApp: 62600983

MOELETSI

Thuto ke tokelo-Rapapa

Phetoho e ka ba teng

Tšelisio Thakholi

Letona la Thuto le Koetliso Prof. Ntoi Rapapa o re leha thuto e le tokelo ea motho ka mong ho ea ka Molao oa Motheo, empa Moralo oa Naha oa Ntšetsopele ona o lebeletse lekala la habo ho hlahisa likoankoetla tse nang le litsebo tse nepahetseng ho ba thusa ho itšebeletsa le ho kenya letsoho ntšetsopeleng ea naha. Tsena o li boletse 'mokeng oa baphatlalatsi ba litaba, o neng o tšoaetsoe Ntlo-Kholo ea Lekala la Thuto, Maseru ka la 7 Pherekhong monongoaha.

Maemo a phetoho ea leholimo a amme bophelo ba batho lefatšeng mekhahlelong e fapakaneng. Lipula tse nang ha e sale e ka thusang hore temo e be e ka tlišang kotulo, haholo ha ho ntse ho sebelisoa mekhoha e tloaelehileng. Ka nako e 'ngoe li na ka likhohola kapa lifefo tse nkang matlo le ho ama phepelo ea motlakase. Setereke ea Quthing le Qacha's Nek ke mahlatsipa a ho hloka motlakase le matlo a fefoha nakong ea liphomolo tsa Keresemese. Maemo ana a amme phepelo ea motlakase hoo ka nako e 'ngoe o bang monyane kapa o khaohang libakeng tse ling.

Letona le ikarabellang le entse tšepiso ea hore ba eleletsoe bothata ba motlakase kahar'a naha, ka hona ba se ba entse meralo ea hore naha e tle e iphehlele motlakase oa eona. Sena se ka etsoa ho sebelisoa metsi, letsatsi kapa moea e leng lintho tse tiholeho tseo Lesotho e nang le tsona. Ho na le malapa a mangata a e-s'o hokeloe motlakase haholo ka maloting. Qholotso ena e sitisa hore batho bao ba ka phela joaloka batho ba mabalane.

Le bana ba likolo ba rutoa ka mokhoa oa khale e se oa marang-rang a seng a sebelisoa mehlang ena. Ha ba tloha malapeng ba tla mabalane ho tla kena Likolo tsa Thuto e Phahameng ba tobana le qholotso e khohobane ho na le lintho tseo ba qalang ho li bona. Ruri ha litaba tsena tsa letona e ka ba ntho e etsahalang e tla thusa haholo batho bao ba maloting.

Taba e 'ngoe ea bohlokoa ke hore ha phehlo eo e se entsoe ebile e fepela Lesotho ka mokhoa o khotsofatsang, naha e tla tseba ho rekisetsa linaha tse ling, 'me seo se tla thusa ho nyolla moruo. Setereke sa Qacha's Nek le Mokhotlong li tla tsoa mathateng a ho angoa ke phepelo ea motlakase ea Afrika Boroa kaha li fumana motlakase teng. Ke thapeli ke hona hore merero eohle e entsoeng e mpe e kene tšebetsong, le haeba ho ka fetoloa letona le tlang le ntšetsepele tsohle li se fetole letho.

Kahar'a maemo ana a hloabaetsang a leholimo a ammeng temo, lihoai li ntse li leka ka litsela tsohle ho tsosolosa moea oa lihoai tse ling. Lipontšuo tseo tse tšoarolang li bohlokoa haholo hobane ho thoe li thusa lihoai ho bapatsa khoebo, ho thakelana ka malebela haholo ho ngolisa khoebo. Hoa thabisa hore lihoai tsena li ntse li tšoeroe taba ea hore kopano ke matla, ruri letšoele le beta pooho. Mosebetsi o tšaba matsoho, ha batho ba kopane 'moho ba ka etsa ntho e khohobane ho feta ha motho a ka ikemela.

Bacha ba eletsoa ho kena litabeng tsa temo ka matla ntle le tšabo ea hore ha hloka chelete e ngata ho qala. Ha ho na khoebo e ileng ea qaloe ka chelete e ngata, empa motho o sebelisa seo a nang le sona ebe o etsa lipoloko hofihlela khoebo e holimo.

Lekala la Bophelo la latotse mafofisa a ntseng a hasoa kahar'a sechaba a hore liente ha li sa fumaneha liising. Lerata lena le bakiloe ke ba bang ba basebeletsi liising ba iketsetsang lintho ka tsela eo ba ratang, ba fetotse linako ho li isa moo bona ba ratang teng. Hoa hlaka hore ba fa sechaba litaba tseo e seng tsa 'nete ebe seo se senya lekala lebitso. Lekala le boetse le phatlalalitse hore le se le hatetse pele ka tlaleho ea pokello ea liente le meriana tse isoang liising. Ntlo-Kholo e Maseru e se e t'lo tseba ho bona poloko e hohle litererekeng tse ling ntle le ho romela motho ho ea teng, hona ho bolela hore setsi ka seng se tla sitoa ho tlaleha seo e seng 'nete.

Likolo tsa Mathomo le tse Phahameng li se li tla buloa bekeng e tlang, re lakaletsa baithuti bohle mahlohonolo. Ba ikokotlele ka polelo e neng e buoe ke mosuo-e-hlooho e mong maqalong a selemo tjena e reng: "Sebetsang le sa fihla baeti hobane tsa mokhatlala ha li tsejoe." Ho ba tlohang ho tsa Mathomo ho ea ho tse Phahameng ba se tšosoe ke sebaka se secha ebile le se tloaele sebaka hampe la lebala moo le tsoang teng. Nako ea sekolo e bohlokoa haholo kholong, 'me ha u ka e senya u tla phela bophelo ba "hoja" ka hona ithuteng le natefeloe ke bocha ba lona.

phatlalatsa hore selemo sena se tšoaioe ke Mokhatlo oa Linaha tsa Afrika(AU) e le sa thuto.

Rapapa o itse 'Mantaha oa la 29 Pherekhong, selemo le selemo o tšoaetsoe ho ba letsatsi la "Back to School" ka hona a etsa khopotso ho Basotho bohle, bahoebi le mekhatlo ho kenya letsoho ntlafatsong le kanetsong ea thuto ea boleng likolong tsa khetho ea bona ka mekhoha e fapakaneng. A etsa mohlala, ka ho nehelana ka liaparo tsa sekolo, libuka le mesangonana ea bohloeki.

A re tebello ke hore kamor'a letsatsi la la 29 Pherekhong, bohle ba tsoelepele ho kenya letsoho ho fihlela 2024 e kolumela, e le mokhoa oo Naha ea Le-

hara tse ling lenane-thuto la thuto ea likonyana likolong tsohle tse ngolisitsoeng le lekala, 'me sena se tsamaellana le koetliso ea litichere tse rutang likonyana. Ho feta moo, e boele e be tlhopho ea lenane-thuto la lihlopha tsa Grade 1,2 le 3 e le ho ntlafatsa boleng ba thuto ho shebuoe litsebo tsa mantlha tsa ho bala le ho ngola.

A re sechaba sa Basotho ka mekhahlelo e fapakaneng ea sona se na le litebello ho Lekala la Thuto le Koetliso. "Litebello ho Lekala li ntse li e-hloa mekhoalaba, 'me li susumetsoa ke liqholotso tseo sechaba se tobanang le tsona letsatsi le letsatsi." A rialo. A bontša hore liqholotso tsena li kenyeletsa



O ile a beha baphatlalatsi leseling mabapi le letsatsi la la 29 Pherekhong, le tšoaetsoeng ho ba letsatsi la "Back to School" le ho

sotho e ikamahanyang le khoehetso ea AU, ea ho ananela selemo sa 2024 e le se tšoaetsoeng thuto. A ipiletsa ho sechaba hore ho tloha ka khoeli ea Hlankola ho ea pele, se sebetse 'moho le baokameli ba likolo le ba thuto litererekeng, e le ho qoba tšitiso e ka bang teng ea boithuto ba bana.

O boetse a bontša hore boithopho ba lekala la habo boleleleng ba selemo sena ke ho atlehisa khoehetso ea AU, ka ho kenyeletsa

har'a tse ling bofuma, tlhokahalo ea mekhoha ea boipheliso, pheto-phetoho ea boemo ba leholimo, tšilafalo ea tikoloho, mehloli e qephang ea metsi, seo sa mafu le boitšoarobon bo qephang haholo ho bacha. A qetella ka hore lekala la habo le lebeletsoe ka matla a maholo ho phethahatsa thomo e fanoeng ke Molao oa Motheo, Moralo oa Naha oa Ntšetsopele le ho arabella litlhoko tsohle tsa sechaba.

Contacts: +266 28350 466 / 6260 0983 (Whats app)
Email: moeletsioabasotho@gmail.com



Editorial

Lesoetsa Rakubutu (Editor)
(+266) 58490670 / 62031949
editor@moeletsioabasotho.co.ls

Lehlohonolo Mohale (Sub-editor)
(+266) 58 771 507 / 62 771 507
subeditor@moeletsioabasotho.co.ls

Advertising

Thabo Lesaoana
(+266) 28 350 466/ sales@moeletsioabasotho.co.ls

Newsroom

Nthabeleng Seitlheko 57 665 038/ 68 216 721
nthabeleng.seitlheko@moeletsioabasotho.co.ls

Tšelisio Thakholi (Sports) 58 540 853/ 63 480 404
tseliso.thakhuli@moeletsioabasotho.co.ls

newsroom@moeletsioabasotho.co.ls

Production Desk

'Mateele Liqa, Sr. Canicia Nthunya

Shale o nyahlatsa DPE



Nthabeleng Seithleko

Mohokahanyi oa nako e telele oa DPE Sofonea Shale, o itokolotse bookameling ba mokhatlo ka mabaka a sa hlalosoang. Tsena ke ho ea ka Molula-Setulo oa DPE, Mafokane Ramakhula, polelong e ntšitsoeng ke mokhatlo ka la 9 Pherekhong monongoaha. Ramakhula o hlalositse ha

mokhatlo oa habo o sa tsebe mabaka a susumelitseng boitokollo ba eo, etsoe lengolong leo a ba ngoletseng lona ho se mabaka a tekilong. O re mohokahanyi eo oa nako e telele o nyahlatsa mosebetsi a thusitse DPE ka maano le litsela tse nolofaletsang sechaba, ho kenya letsoho litabeng tsa sona tsa puso le puso ea sechaba ka sechaba ka tselatse ngata tse bobebe 'me ba motlotlo ka taba eo.

H'a tsoelapele o re DPE e bile mokhatlo o chatsi litabeng tsa naha empa ka ho fetisisa kahar'a metse, e kopanya sechaba le babusi, e isa likomiti tsa paramente metseng e leng se entseng hore e hlompheue tikolohong e ka boroa ho Afrika. Lebitsong la Komiti e Kholo ea DPE, ofisi e tla tsoa e tšoeroe ke Rev. Valentine Tšepo Mosoeu 'me DPE e tla tsoelapele ho loanela khotso le ho ema le ba sekisetsoang.

A bontša ha DPE le batho bao e ba thusang, mekhatlo ea sechaba le metsoalle ea eona, e betlile likoankoe-tla tse fapakaneng tse teng mafapheng a bophelo ba sechaba kandle le kahar'a naha, mafapheng a puso le mafapheng a ikemetseng a sechaba, Litsi tsa Tšireletso le boemeling ba sechaba.

Ho sa le joalo, Koranta e lekile ho fumana lehlakore la ea phatlalalitsoeng a itokolla tšebetsong ea DPE, empa esale re tea kalala, kaha mehala ea hae e lla feela esita le melaetsa a e rometsoeng ka mohala, a sa e arabele.

Letona le loma bebebe

Nthabeleng Seithleko

Letona la Toka le Molao, Mohlomphehi Richard Ramoeletsi o ntšitse polelo hore 'muso o nkile qeto ea ho behella ka thoko Mookameli oa Chankana ea Maseru hammoho le Mookameli oa Sekolo sa Koetliso ea Balebeli ba Lichankana ho mosebetsi. O supile a etsa sena hobane lipatlisiso li thakhotsoe tsa ho thoba ha batšoaruoa le ho khakhathoa ha ba bang. O hlalositse tsena, ka la 9 Pherekhong monongoaha.

Ramoeletsi o hlalositse hore batšoaruoa ba neng ba balehile ba fumanoe kaofela, 'me baokameli bao ba tla behelloa ka thoko ha lipatlisiso li ntse li tsoelapele. A bontša ha 'muso o hate-tse pele ho phethahatsa ho thehoa ha komisi e ikemetseng ea lipatlisiso, 'me o tiisetse Basotho hore 'muso o tla lula u ba beha leseling ka tse amanang le Setsi sa Tlhabollo ea Batšoaruoa.

Pejena Mokhatlo oa Likhente tsa Lesotho o ile oa etsa phatlalatsa ea hore Mookameli oa Litsi tsa Tlhabollo ea Batšoaruoa,

Mating Nkakala a hlabisoe thoto ka monkhoane ka le reng o hlotsoe ke mosebetsi.

Masole a mane ho a robong a ileng a hlokofoa ka ho tokhotsoa, Setsing sa Tlhabollo ea Batšoaruoa Maseru, mafelong a ngoahola, a ntse a e-s'o isoe setsing sa kokelo, le hoja Moahloli 'Mabatšoeneng Hlaele oa Lekhotla le Phahameng a ne a laele Mookameli oa chankana hore a fumantše banna bao kalafo ea khetho ea bona, boliseng ba bahlanka ba chankana ea Maseru.

Tsena li hlaheletse Lekhotleng le Phahameng ka la 9 Pherekhong monongoaha, moo babuelli ba masole ao ba hlalositse ha banna bao, ba ntse ba ikoka, kaha bookameli bo e-s'o phethahatse kahlolo eo ka mabaka ao ba sa a tsebeng.

Balli ba laetsoe ke lekhotla hore ba khutlele Lekhotleng le Phahameng ka la 22 Pherekhong monongoaha, ho ea utloa mabaka a sitisitseng setsi ho phethahatsa qeto ea lona. Ka lehlakoreng le leng, babuelli ba masole ba itse ba se ba ngoletse Mookameli oa Lichankana lengolo le mo kopang ho phethahatsa qeto eo, ho seng joalo ba tla monka ka lechoba ka qoso ea nyeliso ea taelo ea lekhotla.



Lesotho le tla iphehlela motlakase

Nthabeleng Seithleko

Letona la Matla Prof. Nqosa Mahao, o re ba ikemiselitse ho fetola bophelo ba Basotho ba phelang ka lithabeng ka kanetso ea phepele ea motlakase, e le karolo ea lintlafatso le ho arabela litlhoko tsa sechaba. Tsena li hlaheletse 'mokeng oa bo-ralitaba ka la 10 Pherekhong monongoaha.


O hlalositse Lekala la Matla le thehiloe bocha 'me ba na le boikarabelo lintlheng tse tharo kabo; ea motlakase, mafura le khase. A re tsotello ea bona ke tlhahiso, phehlo, phepele kapa kanetso ea motlakase metseng. A re bohlokoa ba taba ena ke hobane nakong ena, ha ho moruo oa naha efe kapa efe o sa itšetlehang ka motlakase.

A bontša lefatše ka bophara le bua ka libeso tse hloekileng tse khopholoang ke hobane boemo ba sepa-ka-paka bo bonahala bo senyehile, ho latela hore na khale libeso tse neng li sebelisoa ke tsa mofuta efe tse baketseng lefatše litlamorao tse bolutu. A re ka lebaka la tsona ho bonahala likhohola, lifefo le lehloa le khethehang ka nako eo le sa lebelloang.

Mahao o re chebelopele ea bona ke hore ka nako e sa feliseng pelo ba fihlele hore motlakase, o hlahisoe kahar'a naha ho arabela litlhoko tsa moruo le bophelo le ho phahamisa boiketlo ba sechaba sa Basotho. A re ba boikemisetsong ba ho bona hore ba phethahatsa litlhoko tsa lehae, ba rekisette naha tseo ba ahelaneng le tsona motlakase hobane Lesotho le maemong a matle a ho fihlela maemo ao kaha ho na le metsi, moea le letsatsi.

O supile hore hang ha ba phethetse litlhoko tsa naha ba ka rekisa motlakase naha e tsebe ho ba le chelete ho phahamisa moruo. A re leha maemo e le ana qholotso ke hore setsi sa phehlo ea motlakase 'Muela se tla koaloa nakong ea likhoeli tse tšeletseng, e le ho etsa tokiso ea thepa sebakeng seo, 'me boitokiso le boitlhopo bohle bo se ntse bo etsoa hore ho fumanehe motlakase ho hlaha Afrika Boroa le Mozambique.

H'a tsoelapele o itse phepele ea motlakase ka maloting ke ntho e kholo, 'me boemo ba tlhoko ea motlakase bo ipapisitse le malapa a Lesotho a hakanyetsoang ho 537,457 'me metse e literopong ke 40%, metse e haufi le literopo ke 80%,



metse e hojana ke 51.5% moo qholotso e kholo e leng teng ke ka maloting.

O re ba lokela ho nyola phepele ea motlakase metseng e ka lithabeng, likolong le Litsing tsa Bophelo, 'me lipalo tsa metse e fumanang motlakase ke 31,554 11 ha 4% e le e sa fumanang motlakase, 'me hona ho ba beha tlasa khatello e kholo. A re katamelo ea lekala ea ho arabela ho hokela sechaba motlakase ka marang-rang a LEC, tlasa morero oa Rural Electrification Unit o tla tsoelapele ba ntse ba emetse likhakanayo tsa lichelete.

A supa ha ho tla ba le ntlatfatso ea phepele ea motlakase ka li-Minigrid tse 10 ho thusa phepele ea motlakase Mokhotlong, Qacha's Nek, Quthing le Thaba-Tseka, 'me tello ke hore tšebetso eo e tle e phetheloe ka 2024 ho hoketsoe malapa a 10,000.

H'a phethela o itse ba tl'o sebetsana le selo sa nako e telele sa ho khutlisetsa literopo tse peli tsa Lesotho kahar'a naha eleng teropo ea Qacha's Nek e fepeloang motlakase ke Afrika Boroa le ea Mokhotlong tseo ho bonahalang khoebo e sa tsamae hantle, ka lebaka la maemo a hloabaetsang a motlakase. A re tšebetso eo e tla etsoa ka potlako hore bahoebi ba literopo tseo ba tsebe ho imona menoana.

Mosae o theha sekolo sa bonono

Tšelisio Thakholi

Mocha ea nang le lerato le tebileng haholo la naha, bochaba, puo le moetlo, Ausi Maipato 'Sthe' Mosae o thehile Sekolo sa Bonono se bitsoang Lesotho Academic Arts & Modeling School. Sepheo sa hae ke ho holisa le ho matlafatsa litalenta tse fapakaneng tsa bacha ba sa le lilemong tse tlaase. Sekolo sena seo e leng sa pele sa mofuta oa sona kahar'a naha se amohela bacha ho tloha ha ba le lilemo li robeli ho ea holimo.

Sekolo sena se amohela le ho otlala talenta ea mocha e mong le e mong ho sa shejoe maemo a hae a bophelo. E kaba ke bacha ba nang le bokooa kapa ba se nang bona, se boetse se tataisa le ho thusa bacha ho ba hlokomelisa litalenta tsa bona. Se ba khantšetsa leseli e le hore kamoso ba tle ba tsebe ho iphelisa ka lineo tsa bona.

Mosae eo hajoale e ntse seng e le moithuti ho se seng sa likolo tse kholo, Naheng ea Netherlands, h'a qoqa le motlalehi oa Koranta, ka tsa talenta ea hae le ho thehoa ha sekolo sena o li behile tjena:

Lerato la bonono le bochaba hantle u le qalile kae?

Ke qalile pele ka ho ba le lerato la naha ea heso ea Lesotho, ka rata le ho boulela bochaba. Moea ona oa lerato la bonono le bochaba leha ke o qalile ka lapeng ka lebaka la



tšehetso e kholo eo ke fuoang ke batsoali ba ka, o ile oa tota haholo le ho fumana tšusumetso e matla ha ke fihla kahar'a Sotho Kids. Ka mantsoe a mang nka re batsoali ba ka le Sotho Kids ke tsona tse ileng tsa thophothetsa lerato lena ka ho 'na.

O qalile ho rata bonono o sa le monyenyanane. Ebe lebaka ke lefe?

Ke ne ke rata ho ruta le ho hlokomelisa bacha ba bang hore bonono le bochaba li bohlokoa haholo ho bona. Ho feta mona ka 'nete ke talenta eo Morena Molimo a mphileng eona.

Sekolo sena se qalile ho sebetsa neng, 'me sena le ba na ba ba kae?

Ke sekolo se sa le secha haholo ho ba se tliil'o buloa



mafelong a khoeli eona ena ea Pherekhong, 'me ho fihlela hajoale re se re e-na le bacha ba ka bang robeli.

O ne o ile oa qholotsoa keng ha u tla theha sekolo?

Kahar'a naha ha se bacha bohle ba nang le bohlale ba lithuto tsa hlooho, 'me ke ile ka hlokomela hore le ka litalenta tsa bona ba ka tseba ho iphelisa. Ke ha ke tla theha sekolo sena ho ruta bacha hore ba be le kutloisiso ea hore ba ka phela ka bohlale ba thuto ea hlooho le ka litalenta tsa bona.

Morero o moholo ke hore litalenta tseo bacha ba nang le tsona li ba phelise.

Sekolong mona le thusa bacha ka mefuta efe ea litalenta tsa bona?

Re ruta bacha ho latela litšekamelotso tsa bona tsa talenta eo ba nang le eona. Re ba ruta ka mekhahlelo eohle e fapakaneng ea bonono, e ka ba botaki, ho ba 'mabotle, lithothokiso, bongoli ba libuka, ho tantša, ho rata le ho boulela bochaba ba habo bona. Re kopantse litalenta tsena kaofela, 'me ke ka lebaka lena rona re ba qalang ba sa le banyenyane, e le hore ba hole ba se ba ntse ba holela kahar'a litalenta tsa bona. Hape re ba ruta hore ba tsebe ho iphelisa ka tsona.

be ho li sebelisa ka lebaka la ho hloka tšehetso ho batsoali ba bona. Batsoali ba bang hangata ke bona ba sitisang bacha ho hlahisa litalenta tsa bona. Ntho e 'ngoe ke tlhokahalo ea lisebelisoa ho latela litalenta tsa bona, 'me ha ba se na tšehetso ho batsoali talenta e joalo leha e le ntle e felella feela. Ke kopa batsoali ho tšehetsa bacha bona, ho latela talenta tseo ba nang le tsona.

Moo e bang mocha o na letalenta empa batsoali ba hloka le tliil'otsa joang?

Ehile re tliil'o thusa bona bacha ba hlokang moo likhaello li leng teng, re boetse re tliilo ba le tšalo morao kamorao hore mocha a qete sekolong mona,

Joalokaha ke boletse ha se bacha bohle ba nang le bohlale ba lithuto tsa hlooho. Empa ba nang le litalenta ba ka tseba ho phela ka tsona ha feela ba fumane koetliso e ntle.

Mohlomong o ka re liqholotso tse kholo ke life?

Liqholotso tse kholo tseo ke ithutileng tsona ke hore bacha ha ba fumane tšehetso ho tsoa ho batsoali, hoo ka nako e 'ngoe leha ba e-na le litalenta batsoali ha ba li nkele hloohong. Bacha ba bang ba na le litalenta empa ha ba tse-

e le ho bona hore talenta ena ea hae ea mo phelisa. Bacha ba Lesotho ba na le boiphihlelo 'me ba ka phela ka litalenta tsa bona ba sa hiroa.

Boipiletso ba hao ho bacha e ka ba bofe?

Ke kopa bacha bohle ba tle re tli'o ba thusa ho holisa litalenta tsa bona. Ho tloha ka ba lilemo li robeli ho ea holimo. Mamati a butsoe sekolo sa bona ke seo, 'me ha ho mocha ea tla 'ne a lle ka hore o hloka mosebetsi empa a hlahleletsoe ka malebela a ho iphelisa ka talenta ea hae.

E re 'muso o hatikela mafutsana

Nthabeleng Seitlheko

Mokha oa Lipo-
lotiki oa Leso-
tho Econom-
ic Freedom
Fighters (LEFF) o ntšitse polelo khahlanong le ho tšoaroa ha likoloi tsa baeti (4+1) ke sepolesa ka khoeli ea Tšitoe ngoahola. Ba re ketso ena ke lehloeo la 'muso ho Basotho ba kojoana li mahetleng, bao ho sa natsoeng na ba phela joang leha ba leka ho itlhaahisa mesebetsi. Litaba tsena li tiisitsoe ke Mongoli-Kakaretso oa LEFF, Mohau Mabetha, puisanong le koranta, ka la 10 Pherekhong monongoaha.

Ba re likoloi li tšoeroe ke sepolesa ka bongata kamor'a ho fumana li sebetsa ka thoko ho molao, 'me LEFF e ipilelitse hore sepolesa se lokolle likoloi tseo tsa Basotho hang-hang. O re beng ba likoloi tseo ke Basotho ba lehang ho phelisa malapa, 'me ba maketse ho bona 'muso hammoho le Litsi



tsa Tšireletso o fina selelu ha o lebane le bahoebi ba banyenyane, feela melata le barui ba itsoella-pele ka khoebo ba sa khathatsoe ke letho, le hoja e se molao oa Basotho hore e be likoloi tsa bona li hloka litokomane.

Ba re melata e mengata e kene mefuteng ea likhoebo e tšoaetsoeng Basotho feela 'muso o mometse, ba bile

ba qotsa molao oa khoebo khaolo ea 16 oa selemo sa 2020 o totobatsang likhoebo tse tšoaetsoeng Basotho.

Ba re hona joale ho boima 'me Basotho ba leka matsapa a bophelo, joale 'muso o sitoa le ho batalatsa mabala hore ba thuthuhe khoebong. Ba re ba sitisoa ho kena khoebong ke lipehelo tse

boima, tseo e leng likhoqet-sane tse hlahang phanong e mpe ea litšebeletso mafapheng a 'muso.

Ho feta mona, e re mapolesa a lula a leleki-sa baitšokuli nako eohle moo ba rekisetsang seter-ateng, mafelo a selemo se fetileng baqhobi ba bangata ba litekesi ba sitisitsoe ho sebetsa, feela melata

ea Machaena le ma-India e tsoetsepele ho hoeba ka thoko ho molao likhoebong tseo ba sa lokeleng ho kena ho tsona joaloka ho rekisa mothamahane le likoloi.

Ba phethetse ka ho ipiletsa ho 'Muso oa Lesotho ho ela hloko tlhokahalo ea mesebetsi e tobaneng le sechaba sa Basotho, ba se ke ba kenya tlala malapeng empa batho ba ntse ba iteka. A re ha ba khotlaetse hore batho ba tole molao, empa bohle ba nkeloe likhat-tsa molao eseng likoloi tsa bona li pakoe.

Puisanong le ea tšoreng molepo e le Raliphatlalato oa Sepolesa sa Lesotho, Senior Supretendent Kabelo Halalala, o supile ha likoloi li lula li tšoaroa nako le nako hobane li sebetsa kahar'a tsela ka thoko ho molao, tse ling li'a lokolloa li khutlele hobane beng ba tsona ba pheta phoso e tšoanang. A re ba atleha ho isa likoloi tse 20 khotla ka letsatsi, 'me ho bohlokoa hore beng ba thepa ba etse se nepahetseng.

Basotho ba falimehe-Sehlabaka

Nthabeleng Seitlheko

Moetapele oa Mpulule Political Summit, Edwin Sehlabaka, o re molao oa kotopo o ne o etsoa ho thibela Tona-Kholo ho bitsa likhetho ha hloloa ke tsamaiso, ho

qoba tšenyoo ea chelete e sebelisoang likhethong pele lilemo tse hlano li fela, ka hoo maparamente a tla ka molao oa kotopo o khotlaletsang hore Tona-Kholo e khethoe kahare ho paramente, hoo e seng e le bothata ha ho lokela ho ba joalo. O boletse tsena, pui-

sanong le Koranta, ka la 10 Pherekhong monongoaha.

A re kotopo ha e na phoso ho baleha ho lula ho uoa likhethong, empa ba ileng ba etsa ba entse molemong oa bona eseng oa naha hore ba lule ba bolokile mesebetsi ea bona. A re bothata boo naha e tobaneng le bona ke

bohatelli ba Tona-Kholo e litulong, e lulang e loants'a molao le ho ba tla ho busa naha ka chofoa, le hoja melao e lumella maparamente ho etsa liqeto.

A re molao oa kotopo o koaloa kapa o buloa ho na le bothata ba botsamaisi ba naha bo etsang melao molemong oa bona. A re ba shebile ka leihlo le nchocho kahlolo e tla bua ka litaba tsa molao oa kotopo, 'me ho bohlokoa hore makhotla a its'ole hobane morero oa puso ena, ke ho a sebelisa hampe ho itšireletsa khahlanong le puso e bohlasoa.

Sehlabaka o re bohanyetsi ha bo'a potlakela ho tlosa Tona-Kholo pusong, empa ba mo tlosa ho late-la liketso tsa hae tsa ho se sebeletse sechaba, a ntse a se roka mahlo a nyoeka ka hore oa sebetsa ho se lintlafatso tseo a li entseng ha e se ho itšetleha ka tseo a li fumanang li le teng. A re ba se ba bontšitse hore ba tla sebelisa makhotla hampe ho itšireletsa e le ho ba fa monyetla oa ho nka nako

e telele a lutse ka khang boetapeleng ba sechaba.

A bontša ha 'muso o se na thahasello ea ho kenya tlhopho-bocha ts'ebetsong, hape o nyahlatsa boeletsi ba bohanyetsi. A re seo 'muso o se shebileng ke ho ja tlhopho-bocha maqa hore batho ba se ke ba ts'ela ka paramenteng, ba boetse ba lelekisana le bohanyetsi, ha ba etse mosebetsi oa sechaba, ha ba hloleha ba jarisa bohanyetsi lekoko la nku eo ba sa e jang.

O bile a ipiletsa ho Basotho ho falimeha ho tseba 'nete le thetso, ba theole lerato la mekha ea bona, ba lemohe hore ba lokela ho sebetsa litaba ka kutloisiso e nepahetseng. A re ha Molimo a ka re thusa monyetla oa naha ena e tlo ba boima hore e ka tsoelapele, 'me Basotho ba lebelle hore ho tla ba le ho nyoloha ha Lekhotla la Matona ho latela boemo, 'me hoo ho e tla ba sesupo sa hore Tona-Kholo o tsoile kano ea hae fatše ea hore Lekhotla la Matona e tla ba 15 pusong ea hae.



Liente li ntse li fanoa litsing

Nthabeleng Seithheko

Mo o k a - meli oa Liphatlalats'o Lekaleng la Bophelo Tumisang Mokoai, o re ha se 'nete hore ente ea tlhaho ha e-eo Litsing tsa Bophelo, hoo empa e le morero oa ho senya Lekala la Bophelo seriti hobane litšebeliso li ntse li fanoa ka nepo. Tsena li hlaheletse puisanong le Koranta, ka la 8 Pherekhong monongoaha.

O supile hore liente li teng empa bothata e le ba bang ba bahlanka, ba ikhethetseng ho se sebeletse sechaba ho latela ka mokhoa oo se lokelang ho sebeletsoa, joaloka ho ipehela matsatsi ao ho tla bonoa bakuli kapa ho ikhethela eona e le baoki.

A re ho fosahetse hore batho ba ka khutla litsing ba sa fumantšoa litšebeliso haholo tse hlokolosi joaloka liente, ka hona taba eo ha e molaong hobane motho e mong le e mong o lokela ho sebeletsoa nako eohle ha fihla setsing sefe kapa sefe. O re a ka fetisetsoa

setsing se sehloanyane e bang bothata ba hae bo imela setsi se joalo, empa seo se lokela ho etsoa kamor'a ho sebeletsoa.

Mokoai o re lekala le ipiletsa ke hona hore basebeletsi bao ba joalo, ba emise hang ho sotla sechaba le ho jala pherekano, e etsoang ka boomo ho silafatsa tšebetso e ntle e etsoang ke lekala.

O bile a bontša lekala le sa tsoa phethela mokhahlelo o mong oa kentelo ea thibelo ea mofetše oa molomo oa popelo, 'me bahlanka ba ile ba itela ho se ee phomolong ea

matsatsi a Keresemese esita le a selemo se secha, ba potoloha le libaka tse ileng tsa salla nakong eo letšolo lena le neng le thakholoa likolong.

O re letšolo lena ke le reretsoeng bana ba banana ba lilemo tse lipakeng tse robong le tse 14, 'me kentelo e ntse e tl'o tsoelapele ha morao khoeling e holimo.

O bontšitse hore hona joale, lekala le hate tse pele haholo ka marang-rang a sejoale-joale a bitsoang Stock Management Tool, ho sala morao ho tsamaisoa le ho fetisetsoa ha lithare

le liente litsing tsohle ka har'a naha. A re sena se thusa hore Ntlo-Kholo ea Lekala Maseru e bone tsohle, 'me e tsebe se et-sahalang litsing.

A re hona joale ba ntse ba kenya tsa morao-rao, tse hloahloa le ho fetatsena tse ntseng li sebet-sa ho sala morao lithare le liente tsena, ka hoo ha ho na ho ba le setsi se tla fana ka litlaleho tse se nang 'nete ho latela tsebo le ntlafatso ea lekala.

H'a phethela o ipilelitsa ho sechaba ho se ananele litaba tsena tse ntseng li jaloa ke bo-phela-marole.

Letlalo le lokela ho baballoa

Nthabeleng Seithheko

Letlalo ke karolo ea bohlokoa e lokelang ho hlokomeloa e le ho qoba ho taboha le makhopho a sa feleng sefahlehong. Tsena li boletsoe ke Mohlahisi oa Thatohatsi Natural Skin Glycerine, Nyakallo Ntšinyi, puisanong le Koranta ka la 8 Pherekhong monongoaha.

O re setlolo sa hae sa letlalo se entsoe ka lekhalala le hlahang lithabeng tsa Lesotho, 'me se thusa ho boloka boleng ba letlalo bo sa fetole 'mala le ho boloka mongobo. O re bophelo bo botle ha se ba lijo feela, empa letlalo ke le leng la lintho tsa bohlokoa tse lokelang ho hlokomeloa, hobane ke karolo ea boitšepo ba motho e mong le e mong.

A re se suptjoa se sa khethe lilemo hobane se thusa ho tlosa litlapeli, ho khakhapheha ha 'mele, lekhopho le tlang sefahleho le botsikinyane bo sa laoleheng, ebile se matla kaha se tsoakiloa ka lintho tse kotsi.

O bontša ha ho le bohlokoa hore batho ba hlokomeloa matlalo a



Mohlahisi oa Natural skin Glycerine Nyakallo Ntšinyi.

bona ka ho sebelisa litlolo tse sa fetoleng boleng ba ona empa li'a boloka a ntse a hloekile. A re o lula a fana ka thuto ka ho boloka letlalo le hloekile

le bile le baballehile. Ha phethela o re Basotho ba khaotse ho sebelisa litlolo tse nang le lichefo kaha li le kotsi, li tlosa boleng ba letlalo la

motho le mo sireletsang khahlanong le letsatsi. A re batho ba sebelise metsi khafetsa e le karolo ea ho hloekisa letlalo molemong oa bophelo bo

botle. O itse har'a lihlahisoa tseo a nang le tsona ke Glycerine e thusang ho felisa lichubaba le menyama.

Likhoho tsa Sesotho li hlokomeloe



Nthabeleng Seithleko

Sehoai sa leruo la likhoho tsa Sesotho Mpolokeng Mohashole, o re likhoho ha li lokele ho ruoa fela li sa hlokomeloe joaloka tse ling hobane li molemo joaloka tsohle. O bole-tse tsena a buisana le Koranta, ka la 8 Pherekhong monongoaha.

O re kaha e le likhoho tse behelang li lokela ho sireletsoa le ho behella li-bakeng tse bolokehileng. A re ka moo li behelang mohloa o fetoloe khafetsa bonyane ha beli bekeng, e le hore likokoana-hloko tse ka bolisang mahe li se ipate.

A re likhoho tsa Sesotho

ke tsona tse nepahetseng sebakeng sa tlhahiso ea nama ea boleng, hobane li ja poone e khubelu khafetsa le solobolomo. A re ho bohlokoa hore li buleloeli fule empa li hloka ho lisoa li se ke tsa ja lintho tse sa hloekang.

O re bohloeki ha bo bohlokoa likhohong tsa nama feela kapa tsa senyemane, likhoho tsohle li lokela ho phela libakeng tse baballehileng, tse hloekileng, tse ntlafatsoang nako le nako hore tlhahiso le katleho ea tsona e be ntle.

O bonts'its'e ha tlhokahalo ea khoho kahar'a Naha ea Lesotho ebile thuto hore Basotho ba tlameha ho tsepamisa maikutlo leruong la khoho tsa Sesotho, hoo batho ba bangata ba ka ip-

helisang le ho ithlahisetsa mesebetsi ka tsona.

H'a phethela o re tlhahiso ea khoho ea Sesotho ha e

ntlafetse kahar'a naha, ha ho na lebaka la hore ebe Basotho ba sokola nama, ka hoo o ipiletsa ho Baso-

tho bohle ho sebelisa libaka tseo ba phelang ho tsona li rua kaha le nama ea tsona e ntlafetse.



Farmers Pitso e thakhola lipontšuo

Nthabeleng Seithleko

Mokhatlo o hokahanyang lihoai naha ka bophara Farmers Pitso, o tl'o ts'oara liponts'uo tsa lihoai mekhahlelong e fapaneng ho hohela batseteli le bareki ba lihlahisoa. Tsena li boletsoe ke Mohokaha-

nyi oa Mokhatlo Tlaba Mochebelele, puisanong le Koranta, ka la 8 Pherekhong monongoaha.

O re liponts'uo tsona tse ts'oaroang selemo le selemo li tla ba mekhahlelong eohle ea temo; litholoana, mekhoha ea pokello le poloko ea lijo, lihlahisoa tse rekisoang ke lihoai le tse ling tse ngata. O re lihoai li lokela ho hokahana 'moho khafetsa, ho ithuta le ho thakelana ka

malebela litabeng tsa temo.

A re ke selemo sa bobeli ba ts'oara liponts'uo ka boemo bo holimo, ha pejana e ne e ntse eba ka boemo bo tlaase, ka hona morero ona o bonahala o hola selemo le selemo, 'me taba eo ke boikitlaetso le ntlafalo litabeng tsa lihoai.

A re lihoai li ba monyetleng oa ho bonts'a le ho rekisa lihlahisoa tsa tsona le ho kopana le bahoebi le batseteli molemong oa tla-

hiso e behang litholoana esita le ho hokahana le lihoai tse ling ho fanana malebela a tlhahiso.

A re esale ba qala ho ba le liponts'uo ba bone kholo lehlakoreng la ho ntlafatsa tlhahiso, ho eketsa boleng ba poloko ea lijo le ho ngolisoa ha likhoebo, 'me ba bone thahasello e khothatsang ho lihoai hobane bohobo batho ba iponahatsa ka mekhahlelo eohle. A re ba ntse ba khothaletsa bacha ho


ikakhela haholo temong e le karolo ea boipheliso, ho sa natsoe hore motho boemo ba thuto bo reng, bohle ba tsebe temo ke bophelo ebile ke karolo ea boipheliso malapeng.

H'a phethela o bonts'itse hore batho ba bangata ba nahana ho qala temo ho hloka chelete e ngata empa ho se joalo, ka hona batho ba sebelise lintho tse teng haufi le bona ho qala khoebo.



MOB KIDDS EDUTAINMENT

Puzzle MOB 92-4518



Across

- 4 Lentsoe le bolelang ho otl'a. (8)
- 6 Tsetela (5)
- 7 Metsi (9)
- 11 Ngoana oa heso ea moholo ho 'na (9)
- 12 Motoho (12)
- 16 Ho isa masapo ho beng. (7)
- 17 Pitsa e nyenyane (11)
- 19 Mofuta oa bashanyana (9)
- 20 Moo ho tebileng kahar'a noka. (6)
- 21 Mokhoa oa puisano le Molimo (7)
- 23 Ho hloa setha. (8)

Down

- 1 Lenyeketha (6)
- 2 Seitšireletso sa ntoa (5)
- 3 Liphate (5)
- 5 Moroho oa naha (8)
- 8 Ketso ea tlhahlobo ea ngaka ea moetlo. (5)
- 9 Khoeli e nang le letsatsi la ho thesa batho. (4)
- 10 Ngoana oeso e monyenyanane (5)
- 13 Katse ea naheng (5)
- 14 Lemati (7)
- 15 Ho ba khahlanong le leshano. (4)
- 17 Ngoanana ea e-s'o angoe ke bahlanakana. (10)
- 18 Katiba ea letlalo (6)
- 22 Tsela (4)

DID YOU KNOW?



Black Widow Spider

The black widow, a notorious spider in South Africa, has neurotoxic venom that can be highly poisonous. If bitten, victims must seek hospitalisation for anti-venom treatment. Found in dark areas, these spiders, also called button spiders, have black round abdomens with red hourglass markings. Only female black widows have fangs long enough to pierce human skin.

Do all bees sting?




Bumble Bee

The short answer is:

No, not all bees sting, and of those which do, in general they are not out to sting people - they do so only if threatened or aggravated in some way, either intentionally or accidentally.

Male bees cannot sting

Even among bee species that can sting, such as **bumble bees and honey bees**, males are unable to do so, although they may engage in defensive behaviours to protect the nest or hive.



TSA KEREKE

St. Cecilia e khakola letlapa

Tseliso Thakholi

Kopano ea Bae-na sa Setefane ba 'mishone oa St. Cecilia, ba entse nalane ka ho thakhola lekhetlo la pele, setlabolane sa 'mino o monate oa bolumeli sa CD ea bona e bitsoang, "Kereke ea Jesu", le fumanehang lithong tsa Kopano. Mokete oa ho thakhola o ne o tsoaretsoe hona St. Cecilia, Ha Bua-sono, ka la 7 Pherekhong monongoaha.

Morero le sepheo sa pokello e tlang ho etsoa ka CD ena, ke ho thusa litho

itse ba ikutloa ba le motlotlo ebile ba thabile haholo ho ba sehlopha sa pele, kahar'a likopano tsa Parish ea St. Cecilia ho beha 'mishone oa habo bona 'mapeng. A re ka CD ena ba batla ho tla tsosa meea ea ba oeleng tumelong ea bona, e le hore ba khutlele likopanong tsa bona ka ho fapakana.

"Ho litho tsohle tsa likopano tse oeleng moea, ka mabaka a fapakaneng re re CD ke ena e ncha, re se re le teng ha re tl'o thusanang ho ntshetsa pele mosebetsi oa Morena Molimo. Tlohong bohle ba ka ratang ho ba Baena ba Setefane re tl'o phelang ka Lentsoe la Molimo, e le hore qetellong re qobe lintho tse ka silafatsang bophelo ba rona." A rialo a ipiletsa

haholo. Leha ho le joalo, o lebohile lerato le boitelo boo baena ba bo bontšit-seng. A re mosebetsi oa bona ha se feela hore ebe ba ntšitse CD e monate, empa taba-kholo ke khasanyo ea Evangeli e le ho thusa batho ka 'mino ho rapela ha beli. A tiisa hore morero oa pokello ena e ncha ke ho fetisa thuto ea Kereke e Katholike, e le hore bakriste ba tsebe hore leha ba ka kopana le liqholotso Kereke e Katholike e ke ke ea sisinyeha, hobane e thehiloe holima metho ea 'nete ea baapostola. "Holima lefika lena ke tla aha Kereke ea ka, 'me likhoro tsa lihele li ke ke tsa e hlola." Ke Matane eo.

Bacha le batho ba baholo ba bileng teng khakolong ena ba bile ntsoe leng hore CD ena e ncha



tse hloakang le ho kenya letsoho kholisong ea 'mishone oa habo bona. Ka holimo ho tsohle, kopano e boetse e tllilo etsa mosebetsi oa boapostola ka ho thusa bana ba Lehlae la Likhutsana le teng hona 'mishoneng oa St. Cecilia.

Puisanong le Mookameli oa Kopano Lebohlang Cletus Mohapi o

ho bohle ho qoba bosholu bo mona ba 'mino ka marang-rang, kaha ketso eo ke tlolo ea molao. Ba iphumanele CD ena ka litsela tse nepahetseng.

Mokoetlisi oa Sehlopha Tanki John Matane o boletse hore ho itokisetsa mosebetsi oa mofuta ona, ha se potele e khoathoang ka lehlaka kaha liqholotso li ngata

ke setlhare se folisang, 'me se tllil'o fetola bophelo ba bacha, ho tloha liketsong tse silafatsang bophelo ba bona ka ho khomarela tse ntle. Ba bile ba thoholetsa sehlopha sena ka ho ba sa pele sa ho hlahisa letlapa. Ba qetella ka hore ba tllil'o se tšehetsa ho atlehisa merero eohle le ho latela mohlala oo o motle.

2023-2024 SELEMO B

Sontaha sa 2 har'a selemo

Samuele 3,3-10.19

Pesalema 39

Ba-Korinthe 6,13-15.17-20

Luka 1,35-42

Khothatso



Ho arabela pitso ea Morena

Bohle ba na le tumelo e tletseng ea hore kamehla ha ba atamela pel'a Morena ekaba ka ho rapella malapeng ka bo-mong kapa kerekeng, ke ho arabela pitso ea Morena. Ho imatlafatsa le ho kopa grasia ea Morena ho ba tataisa ho phela pitsong ea Morena a ba hulelang ho eona. Thutong ea Pele le utloa ka pitso ea Samuele ea neng a e-s'o be le tsebo mabapi le litaba tsa Morena. Ka lebaka lena o ile a nahana hore o ntsa bitsoa ke Eli, ka hona ka makhetlo a mararo joaloka mohlanka o ile a mathela ho Eli a 'motsa hore na o hloka'ng. Hofihlela Eli a lemoha hore mohlankana o ntsa bitsoa ke Morena.

Taba ena e le ho re ruta kamehla bophelong ba lona le lokela ho ba le menahano ea moea, e ipapisitseng le litaba tsa Morena e le hore likamano tsa lona le Morena li tle li behe litholoana. Haeba le itumella ho mamela tsa lefatše le tl'o sitoa ho arabela pitso tsa lona, ekaba lenyalo, boitlami kapa botichere. Ha le ka lumella lipelo tsa lona ho amohela grasia ea Morena, Moea o Halalelang o tla khantšetsa likelello tsa lona ho tsamaea tumelong le Kriste Jesu.

Samuele o ile a arabela pitso ea hae 'me Morena o ile a ba le eena kamehla, kaha ha ka tlohela mantsoe a hae ho oela fatše. Sena se bolela hore o ile a ithuta mantsoe a Morena ho tsoa ho eena ka botlalo, ho tsoa ho Moea o Halalelang kapa lithutong tsa Eli. O ile a boloka melao ea Morena ka kelellong le pelong ea hae, a leka ka hohle ho e latela ka menahano, lipolelo le liketso. O arabetse pitso ea hae ka ho phehella tumelong ka matla ohle a hae.

Paulosi (1 Ba-Korinthe 6:13-15, 17-20) o hlokomelisa bohle hore 'mele ea bona e etselitsoe ho sebeletsa le ho tlotlisa Morena. Ha e-ea etsetsoa ho khotsofatsa litakatso tsa 'mele tse sa tlotliseng Morena. 'Mele ea lona e lokela Morena hobane joalokaha a tsositse Kriste bafung o tla tsosa 'mele ea lona joalo.

'Mele ea lona ke litho tsa 'Mele oa Kriste, le makala a sefate sa morara (Joannes 15:5) 'me ha le beha litholoana tsa moea ka bophelo ba lona ke hobane le khomaretse ho Jesu (Joannes 15:2, 4). Lengolong la hae la Pele ho Ba-Korinthe o bontša hore ho na le libe tse kantle ho 'mele le tse kahare. Ha le sa rate ho arolelana le bana babo lona, seo le nang le sona hape le etsa liketso tse sa bontšeng bokriste ba lona le etsa sebe tse kantle ho 'mele. Ha le etsa liketso tse khotsofatsang 'mele ea lona ka mokhoa o sa lumellaneng le Sakramente e Halalelang ea Lenyalo le etsa sebe se kahar'a 'mele. Liketso tsohle tse amanang le thobalano kantle ho lenyalo, pele ho lona, bohlola, ho rekisa 'mele li oela sebeng se kahar'a 'mele.

Barutuoa ba babeli ba Joannes Mohlatsoi ba ileng ba latela Kriste ke mehlala e metle ho lona mabapi le ho arabela pitso ea Morena (Joannes 1:35-42). Ke eena Kriste, Konyan'a Molimo eo le lokelang ho mo latela hobane u le loplotse sebeng. Ke moruti ebile ke tichere ea lona hobane o le bontša tsela, 'nete le bophelo (Joannes 14:6). Evangeling le boela le ithuta pitso ea Peterosi e tllileng ka Andraese eo e neng e le sebelisoa sa Morena. Mangolong a Halalelang le bophelong le ithuta kamehla hore ka grasia ea Morena bana ba hae ba thusana ho arabela pitso ea hae.

U batla'ng bophelong ba hao? Ho arabela pitso ea Morena? Tsepamisa maikutlo a hao ho Kriste, mahlo a hao a lule a shebile eena le litsebe li mametse ho utloa hore na o fana ka taelo efe. Ha e le mona le ntse le pheheletse tumelong hoo ho bolela hore le ntse le leka ka litsela tsohle ho tsomana le tsela, 'nete le bophelo. Grasia ea Morena e ntse e le tšebetsong ka ho lona hobane le na le takatso ea ho lula le le 'meleng o le mong le Kriste. Ha feela le ntse le amohela Sakramente e Halalelang ea Eukariste tšepo e teng le hoja le fokola ka lebaka le botho. Tšepo eo ha fela e le teng, grasia le mohau oa Morena li ke ke tsa le phoqa le ka mohla.

Bahalaleli har'a Beke

15 Pherekhong

Bonitus

16 Pherekhong

Fursey

17 Pherekhong

Anthony the Abbot

18 Pherekhong

Volusian

19 Pherekhong

Fillan

20 Pherekhong

Fabian


Linare e phatlalatsa Raliphatlalatsa e mocha

Tšeliso Thakholi

Sehlopha sa bolo ea maoto sa Linare se phatlalalitse Mofumahali 'Matlho-honolofatso 'Kony' Lebesa, e le Raliphatlalatsa oa Sehlopha ho fihlela selemo sena sa lipapali sa 2023/2024 se fihla pheletsong ka khoeli ea 'Mesa monongoaha.

Sena se etsahetse hanghang kamor'a hore eo e neng e le Raliphatlalatsa oa sehlopha, Monghali Bokang Phasumane a hlaseloe ke bokulo, moo a ntseng a le tlasa tlhokomelo ea lingaka ho se seng sa lipetlele kahar'a naha.

Linare e boetse ea etsa phatlalatsa e 'ngoe hape ea ho itokolla ha eo e neng e le Mongoli e Moholo oa Sehlopha Adv. Thabiso Senyotong kaha mosebetsi oa hae o mongata,



Raliphatlalatsa e mocha oa Sehlopha sa Linare Mofumahali 'Matlho-honolofatso 'Kony' Lebesa.

o bonahala o se o ke ke oa mo lumella ho sebetsa le sehlopha.

Linare e re sekheo sa hae se tlatsoe ke Adv. Selebalo Lekokoto, 'me Botsamaisi ba sehlopha sa Linare bo lebohile ka tsela e khethehileng, tšebelisa-no e mofuthu le bahlanka bana ba tsoileng, 'me ea ba lakaletsa katleho le mahlohonolo. Ka ho khetholoha ba tšelisa lelapa la Monghali Bokang Phasumane ka tseo tse bohloko tse mo hlahetseng. Ba mo kopela ho Morena Molimo hore a phahame kapele liphatheng tseo tse chesang.

'Kony' Lebesa ka moo ba mo reneketsang ka teng selika-likoeng sa lipapali, o kena lieteng tsa Monghali Phasumane nakong eo barati le batšehetsi ba sehlopha sa Linare ba neng ba bonahala ba sa khotsofala kamora hore sehlopha se lahleheloe ke lipapali tse peli, tse koaleng selemo ka tatellano.

Matlama e ntseng e le moja-

ong oa ho hapa Liki e Kholo e ile ea sasara Linare ka thupa ea 2-1 ka la 29 Pulungoana ngoahola, ha ka la 9 Tšitoe ngoahola Lijabatho e ne e je kerese-mese pele ho kerese-mese ka ho teteka Linare 3-0.

Sena se ile sa etsa hore Linare eo e neng e le maemong a bone e theohela ho a bohlanono, ka lipapali tse 13, ea hapa tse tšeletseng, ea bapala ka ho lekana ho tse 'ne, 'me ea lahleheloa ke tse tharo e na le lintlha-kholo tse 22. Sena se bolela hore bakoetlisi ba tla lokela hore ba phahamele mapoqo ha liki e qala mafelong ana a beke, ho bona hore Linare e ba kahara lihlopha tse 'ne tse ka holimo ha lipapali li fela joalokaha ba ile ba tšepisa batšehetsi. Athe ha li qala li thakhoha feela mafelong ana a beke LMPS e tla amohela Linare lebaleng la PTC ka la 14 Pherekhong monongoaha, 'me ka la 21 Pherekhong teng, e amoheloa ke Manonyane ka Nyakosoba.

ADMACO e hometsoe ke linyeoe

Tšeliso Thakholi

Komiti e Tsamaisang Lihlopha tsa A Division (ADMACO), e hlophisitse 'moka oa khohola-koqo o bulang mokhahlelo oa bobeli oa lipapali tsa A Division, kamor'a ho phethela oa pele e hometsoe ke linyeoe tse ngata tsa libapali tsa U/20, tse bonahalang li hana ho ea moriting. 'Moka ona o tlii'o tsoarelola Setsing sa Lipapali sa Bambatha Sports Arena, Maseru, ka la 14 Pherekhong monongoaha.

Sepheo se seholo sa 'moka ona ke ho tla thakelana ka malebela le batsamaisi ba lihlopha tsa A Division, e le ho fihlela tharollo ea moshoelella ea linyeoe tsena tsa libapali tsa U/20 tse thunthelitseng le ho theola boleng ba papali ea bolo ea A Division. Ho tla boela ho hetloa morao ho lekola hore na tšebetso ea mokhahlelo oa pele e tsamaile joang, le ho rala hore na oa ho qetela o tla tsamaea ka tsela ea mofuta ofe, e le ho qoba linyeoe tsa nako e fetileng.

Puisanong le Raliphatlalatsa oa A Division Monghali Mothusi Letsie o boletse hore ba tlii'o etsa sohle se matleng a bona ho bona hore lihlopheng tsohle tsa A Division, ho ba le libapali tsa U/20 tse nepahetseng ho ipapisitse le molao. A re ba fane ka nako ea libeke tse tharo ho bona hore lihlopha tsohle li sebetsa ka thata ho ba le libapali tsa U/20.

A hopotsa lihlopha tsa A Division hore mokhahlelong ona oa ho qetela oa liki ea A Division, ho lebeletsoe hore ho ngolise feela libapali tse ncha tse tšeletseng ho latela molao. Ka hona a etsa tlhokomeliso ho lihlopha ho bona hore kahar'a libapali tse ncha tseo tsa U/20 li ba teng. A tiisa hore ke ka ho ikobela melao le melaoana ena e buang ka litaba tsa U/20, linyeoe tsena li ka eang moriting.

A re takatso ea bona ke hore ha mokhahlelo oa bobeli oa liki o qala ka la 21 Pherekhong monongoaha, ba be ba tsoile kahar'a linyeoe tsena. "Lihlopha tse ling ha li ne li il'o bapala li ne li se li ntse li tseba hore li il'o nkeloa 3 points le 3 goals. Ha tse ling li se li ntse li tseba hore bona ha ba na libapali tsa U/20, 'me leha ba ka hloloa ba se ntse ba e-na le 3 points ea bona tafoleng." O bo-

letse joalo a bile a phethela ka ho ipiletsa ho bohle ho leka ho

bona hore ba ikobela melao le melaoana, joalokaha ba ile ba itlamba ho latela Club Licencing ea lihlopha sa bona. Ho sa le

joalo lipapali tsa mokhahlelo oa bobeli tsa A Division li tlii'o thakhoha ka la 21 ho isa la 22 Pherekhong monongoaha.



Raliphatlalatsa oa A Division Monghali Mothusi Letsie.

Phatšoane le Setoko ba tsoelapele ho ipabola



Tšeliso Thakholi

Batlatsi ba baletsaphala ba babeli, Souru Phatšoane le Nteboheleng Setoko ba tliil'o simolla selemo sena se secha, ka ho abeloa mosebetsi o moholo oa ho tsamaisa litlholisanano tse kholo tsa Machaba tsa Mohope oa Women's U/20 World Cup le AFCON, tse tliil'o thakhoha linaheng tsa Ivory Coast le Tanzania, mafelong ana a beke .

Ho ea ka phatlalatsa e ntšitsoeng ke Mokhatlo o Moholo o Tsamaisang Bolo Lesotho(LeFA), Mofumahatsana Nteboheleng Setoko o khethiloe ho ba ofisiri ea bone ea papali, bakeng sa papali e lipakeng tsa Burundi le Nigeria tse tliilo bapalloa Lebaleng la Dares

Salaam Azam Complex, Tanzania ka la 14 Pherekhong monongoaha.

Phatlalatsa e supa hore o tliil'o sebetsa 'moho le batsamaisi ba bararo ba Naha ea Afrika Boroa 'moho le Angeliqwe Tuyishime eo e leng mohlalobi ho tsoa Naheng ea Rwanda le Mokomishinara oa Lipapali Fransiska Katjaimo oa Naha ea Namibia ea tlang ho boela a sebetse e le moletsaphala le mohlalobi oa lipapali tsa letsatsi leo.

LeFA e tsoelapele ho bontša hore motlatsi oa moletsaphala, Monghali Souru Phatšoane, o har'a baletsaphala le batlatsi ba bona, ba khethiloeng ke Mokhatlo oa Bolo oa Afrika(CAF), ba tlang ho tsamaisa litlholisanano tsa Mohope oa AFCON, tse tliil'o tsoareloa Naheng ea Ivory Coast ka la 14

Pherekhong ho isa la 11 Hlakola monongoaha.

Lena e tla be e le lekhetlo la boraro ka tatellano, Phatšoane a tsamaisa litlholisanano tseena. O qalile ho ipabola le ho iponahat-

sa hore o na le boiphihlelo lipapaling tsa AFCON, h'a qala ho tsamaisa tse neng li tsoaretsoe Naheng ea Egypt ka selemo sa 2019. A boela a ngola lebitso la hae le ho beha

LeFA 'mapeng ka ho boela a tsamaisa lipapali tse tsoanang ka selemo sa 2021, papaling e neng e le lipakeng tsa Naha ea Senegal le Egypt.

Ho ipabola ha hae lipapaling tseena tsa machaba, ho ile ha etsa hore a qetelle a khethoa ho tsamaisa litlholisanano tse Kholo tsa Olympic Games tse neng li tsoaretsoe Beijing, China. Lena e ne e boetse e le lekhetlo la pele LeFA e ba le motlatsi oa moletsaphala lipapaling tsa mo-futa ona. O ile a boela a bitsetsoa ho ea nka karolo litlholisanong tsa Mohope oa Lefatše oa FIFA tsa Qatar, moo a ileng a 'na a tsoelapele ho beha mokhatlo oa habo le Lesotho 'mapeng ka ho ba motlatsi oa moletsaphala papaling ea bolo ea maoto lefatšeng.



Mamba e bontša Likuena tosa

Tšeliso Thakholi

Sehlopha sa Naha ea Mozambique sa Mamba se shapile Sehlopha sa Naha sa Likuena 2-0, papaling ea setsoalle e neng e bapalloa lebaleng la FNB Stadium, Afrika Boroa, ka la 6 Pherekhong monongoaha. Ena e bile papali ea pele ea machaba ea boikoetliso

ba Likuena selemong tsa sena se secha tlasa bokoetlisi ba Monghali Leslie Notši.

Papaling ena ea pele Likuena e bapetse hantle haholo karolong ea pele ea papali, hoo ho neng ho sa bonahale phapano lipakeng tsa lihlopha tseena tse peli. Barati le batšehetsi ba bolo ba bangata ba ne ba ile le khongoana holimo ka khopolo ea hore Mamba joaloka e le se seng

sa lihlopha tse kotsi Tikolohong ena ea Afrika, se tla iphetela bolacha, etsoe Likuena e ne e hlile e panne mathapisane papaling ena.

Likuena e ne e bapala ka makeja-kejane a kang Tšepang Sefoli, Motete Mohai le Fusi Matlabe ba ntseng ba le bacha haholo sehlopheng sa naha. Ha batšehetsi ba ntseng ba lebeletse ho utloa tse kholo ka Likuena, metsotsong e 27 ea karolo

ea pele ea papali ke ha Mamba e hlaba ntlha ea eona ea pele ka mohlaba-lintlha oa bona Reinildo. Li ile khafutsoeng Likuena e se e ntse e fophala mali.

Ha li khutla Likuena e hlile ea lahla morethetho kamor'a hore mokoetlisi a etse liphetoho tse 'maloa. Ho fihlela Mamba e fumana mokoko ka phoso e ileng ea etsoa ke Tšepo Toloane, 'me ea eketsa lintlha ea e-ba 2-0 ho fihlela papali eba e fela.

Notši o thoholelitse libapali tsa hae ka hore leha ba hlotsoe ho hapa papali, ba bapetse hantle 'me ba khothatsa haholo empa ho hloka haholo ba ntlafatsoe mona le mane. A tiisa hore lipapali tseena tsa setsoalle li bohlokoa haholo, kaha li holisa le ho matlafatsa sehlopha. A re li boetse li thusa ho tsebahatsa libapali tsa Lesotho machabeng, e le hore li tsebe ho bontša boiphihlelo ba tsona boemong ba lipapali tsa machaba.